



UNIVERSITÄTS-  
BIBLIOTHEK  
PADERBORN

# **En Damvs Chronicon**

**Eusebius**

**Basileae, 1529**

**VD16 VD16 E 4266**

Evsebii Pamphili Caesariensis In Chronicon Svvm Praefatio D. Hieronymo  
Interprete.

---

[urn:nbn:de:hbz:466:1-98136](https://nbn-resolving.org/urn:nbn:de:hbz:466:1-98136)

A latum Augustorum Valentis VI, & Valentiniani iterum totum meum est, Quo sine contentus, reliquum tempus Gratiani & Theodosij latioris historiarum stylo referuavi: Non quo de uiuentibus timuerim libere & uere scribere: timorem enim dei hominum timorem expellit, sed quoniam, debachantibus adhuc in terra nostra Barbaris, incerta sunt omnia.



EVSEBII PAMPHI  
LI CAESARIENSIS IN CHRONICON  
SVVM PRAEFATIO D. HIERONY  
MO INTERPRETE.

**M**OSEN gentis hebraicae, qui primus omnium Prophetarum ante aduentum Domini Saluatoris diuinas leges sacris literis explicauit, Inachi fuisse temporibus eruditissimi uiri tradiderunt: Ex nostris Clemens & Africanus, & Tracianus: ex Iudaicis, Iosephus, & Iustus, ueteris historiae monumenta replicantes. Porro Inachus quingentis annis Troianum bellum antecedit: Ex ethnicis uero impius ille Porphyrius in quarto sui operis libro, quod aduersum nos casto labore contexuit, post Mosē Semiramim fuisse adfirmat, quae apud Assyrios CL ante Inachum regnauit annis. Itaque iuxta eum DCCC penē & L annis Troiano bello Mosēs senior reperitur. Cum haec ita se habeant, necessarium duxi ueritatem diligentius persequi: Et ob id in priore libro quasi quandam materiam futuro operi omnium mihi regum tempora praenotaui, Chaldaeorum, Assyriorum, Medorum, Persarum, Lydorum, Hebraeorum, Aegyptiorum, Atheniensium, Sicyoniorum, Argiuorum, Lacedaemoniorum, Corinthiorum, Theffalorum, Macedonum, Latinorum, qui postea Romani nuncupati sunt. In praesenti autem stylo eadem tempora contra se inuicem ponens, & singularum gentium annos dinumerans, ut quid cuique coactaneum fuit ita curioso ordine coaptaui. Neque me fugit, in hebraeis codicibus dissonos aetatum annos inueniri, plusque uel minus, prout interpretibus uisum est legeri, sequendumque illud potius, quod exemplariorum multitudo in fidem traxit. Verum utcumque quis uolet computet, & reperiet Inachi temporibus, quem primum Argis regnasse aiunt, Patriarcham Hebraeorum fuisse Israhēlem, à quo XII Iudaeorum tribus Israelitis uocabulum sortitae sunt, Semiramim autē & Abraham contemporales fuisse manifestum est. Nam Mosēs licet iunior supradictis sit omnibus, tamen quos Graeci antiquissimos putant senior apprehenditur, Homero scilicet & Hesiodo, Troianoque bello, ac multo superior

Inachus.

XII tribus  
Israelis unde  
dicte.

A 2 rior

**C**rior Hercule, Musæo, Lino, Chirone, Orpheo, Castore, Polluce, Aesculapio, Libero, Mercurio, Apolline, & cæteris dijs gentium, sacrisq; uel uatibus. Ipsius quoque Iouis gestis, quem Græcia in arce diuinitatis collocauit. Hos inquam, omnes quos enumerauimus, etiam post Cecropem Diphym præfens historia Mo-  
*Cecrops.* mum Atticæ regem fuisse conuincimus. Cecropem autè præfens historia Mo-  
 si coxtaneum ostendit, & antecedere Troianum bellum annis CCCL. Quod ne cui dubium uideatur, sequens ratio sic probabit: Quadragesimo secundo anno imperij Augusti **CHRISTVS** natus est, quindecimo Tiberij anno prædicare oisus est. Si quis igitur retrorsum annorum supputans numerum alterum Darij regis Persarum quarat annum, sub quo templum Hierosolymorum, quod à Babylonijs destructum fuerat, instauratum est, reperiet à Tiberio usque ad Darium annos **DXLVIII**: Darij quippe secundus annus sexagesimæ quintæ Olympiadis anno primo fuit: & Tiberij **XV** in ducentessimam decimam Olympiadem incurrit. Fiunt ergo inter Darium & Tiberium Olympiades **CXXXVII**, anni **DXLVIII** quadriennio in una Olympiade supputato. Deinde secundo Darij anno, **LXX** desolationis templi annus expletur, à quo usque primam Olympiadem retrorsum numerantur Olympiades **LXIII**, anni **CCLVI**. Qui similiter supputantur à supradicto desolationis templi anno usque ad **L** annum Ozia regis Iudæorum, sub quo Esaias & Ozeë fuerunt. Itaque prima Olympias in Esaiæ & reliquorum incurrit aetate, qui cum eo prophetauerunt. Rursum si à prima Olympiade ad superiora tempora usque ad captiuitatem Troiæ proueharis, inuenies annos **CCCC LX**, quos & nos in priore opusculo digessimus, ut curiosissima Græcorum historia conscribit. Item apud Hebræos à supradicto Ozia anno, & temporibus Esaiæ  
*Sampson Her* prophetae usque ad Sampson, & tertium annum Labdon iudicis, supputabis  
*cules potest ui* annos **CCCC LX**. Sampson autem est, quem in corporis robore Herculi si-  
*deri.* milen ferunt posteri Iudæorum: Et mihi uidentur non multum inter se distare tempore, si quidem ambo circa Troiæ captiuitatem fuerunt. Post hoc iterum ad priora conuertete, & cum **CCC** tibi & **XXVIII** annos pes retroactus impleuerit, Græcorum Cecropem Diphym, & Mosen inuenies Hebræorū. Nam & **XLV** Cecropis anno usque ad captiuitatem Troiæ, & ab **LXXX** ætatis Mosi anno, in quo populum Israëliticum de Aegypto eduxit, usque ad Labdon & Sampson iudices, computantur anni **CCCXXVIII**. Itaque sine ulla ambiguitate Moses & Cecrops, qui primus Atheniensium rex fuit, iisdem fuere temporibus. Porro iste est Cecrops Diphyes indigena, sub quo primum in arce Oliua orta est, & Atheniensium urbs ex Mineruæ appellatione sortita nomen. Hic primus omnium Iouem appellauit, simulachra reperit, aram statuit, uictimas immolauit, nequaquam istiusmodi rebus in Græcia usquam uis. Cætera quoque quæ apud Græcos mira iactantur posteriora Cecropis annis deprehenduntur. Si autem Cecropis, consequenter & Mosi, qui cum Cecrope fuit. Post hunc enim scribitur diluuium sub Deucalione, incendium sub Phaëtonte, Erichthonius Vulcani & Terræ filius, Dardanus qui Dardaniam condidit, de quo Homerus:

Quem primum genuit cælesti Iuppiter arce.

Liber quoque, & raptus Europæ, sacra Cereris atque Isidis, delubrum in Eleusina, frumenta Triptolemi, regnum Trois,

Cuius dii natum Ganymedem ad sydera raptum

Vina Iouis magni uoluerunt fundere mensis.

Quo

*denup enim uocant græce.*

*Cecropis inuenta.*

A Quo tempore quoque Tantalus & Tityus fuerunt, & Apollo natus. Nam & Latona Iouis coniunx tunc Patia fugit. Latonæ autem & Iouis Apollo filius. Post quos Cadmus Thebas uenit, qui Semelen genuit, de qua

Pulcherrima proles

Liber condignam partu tulit edita frugem.

Porro Liber & reliqui, quos mox inferemus, post CC annum Cecropis fuerunt: Linus scilicet & Zetus, & Amphion, Museus, Orpheus, Ninus, Perseus, Aesculapius, gemini Castor & Pollux, Hercules cum quo Apollo seruit Admeto. Post quos facta est Troianæ urbis euersio, quam Homerus longo sequitur interuallo. Homerus autem Solone & Thalete Milesio, ceterisque qui cum hijs septem Sapientes appellati sunt, multo prior reperitur. Deinde Pythagoras extitit, qui se non sapientem ut priores, sed <sup>philosophum</sup> id est amatorem sapientiæ dici uoluit. Quem secutus Socrates, Platonem erudiuit, à quo famosa in partes philosophiæ diuisa est. Horum singulos iuxta ordinem sequentis historiæ suis locis inferemus. Igitur Moses cunctos quos supra memorauimus antecedit, qui ætate Cecropis fuisse monstratus est. Ab LXXX autem anno Mosi, & egressu Israël ab Aegypto, rursus ad superiora conuersus usque ad primum annum Abrahæ, reperies annos DL. Quos similiter à XLV anno Cecropis usque ad Ninum & Semiramim Assyriorum principes supputabis. Primus quippe omnium Asiæ, exceptis Indis, Ninus Beli filius regnauit. Itaque manifestum est Abrahæ Nini ætate generatū, iuxta eum tamen numerum, quæ contractiorem editione uulgata sermo præbet Hebræus. Verum incuriositate ne cesses: & cum diuinam scripturam diligenter euolueris, à natiuitate Abrahæ usque ad totius orbis diluuium inuenies retrorsum annos DCCCXLII. Item à diluuiō usque ad Adam II CCXLII, in quibus nulla penitus nec græca, nec barbara, ut loquar in commune, gentilis reperitur historia. Quamobrem præfens opusculum ab Abraham omnino usque ad nostram ætatem inferiora tempora persequetur: & statim in principio sui Hebræorum Abraham, Assyriorum Ninum & Semiramim proponet. Quia neque Athenarum adhuc urbs, neque Argiuorum regnum nomen acceperat, solis Sicyonijs in Græcia florentibus. Apud quos temporibus Abrahæ & Nini Europem secundum regnasse ferunt: Quod cur etiam nos putemus, ex sequentibus demonstrabitur. Si enim diligenter enumeres ab ultima ætate Nini usque ad Troiæ captiuitatem, inuenies annos DCCCXXXIII. Item in Sicyone à XXII anno regis Europis usque ad supradictum tempus, eosdem annos inuenies DCCCXXXIII. Apud Hebræos quoque à natiuitate Abraham usque ad Labdon & Sampson iudices Hebræorum, qui Troianis temporibus populo præfuerunt, æque supputabis annos DCCCXXXIII. Item apud Aegyptios ab ætate Nini & Semiramidis, quo tempore sextadecima iam Dynastia Thebai Aegyptijs imperabant, usque ad XX Dynastiam, & regem Aegypti Thuorim, qui ab Homero Polybus uocatur, sub quo Troia capta est, colliguntur etiam supradicti anni DCCCXXXIII. Igitur consequenter in libelli fronte ponimus uno eodemque tempore Abraham, Ninum, Semiramim, Europem, Aegyptiorum Thebeos. Et hæc quidem ita se habere ut præfati sumus, posterior textus ostendet. Nunc illud in cura est, ut etiam Hebræorum annos in quatuor tempora diuidamus. Ab Abraham usque ad Mosen: à Mose usque ad primam ædificationem templi, à prima ædificatione templi usque ad secundam instaurationem eius: ab instauratione eius usque ad aduentum Domini. <sup>A</sup> natiuitate quippe

A<sup>3</sup> Abrahæ

C Abrahæ usque ad Mosen, & egressū Israël ex Aegypto, computantur anni DL. A Mose usque ad Solomonem, & primam ædificationem templi, anni CCCXXIX: secundum minorem tamen numerum, quem tertius Regnorum liber continet. Nam iuxta uolumen Iudicum supputantur anni DC. A Solomone uero usque ad instaurationem templi, quæ sub Dario Persarum rege facta est, colliguntur anni DXII. Porro à Dario usque ad prædicationē domini nostri IESV CHRISTI, & usque ad undecimum annū Tiberij principis Romanorum expleantur anni DXLVIII. Itaque simul fiunt ab Abraham usque ad quindecimum Tiberij annum, anni TI CCCXXL. Similiter à Nino & Semiramide usque ad Mosen & Cecropem, anni DL. A Cecrope usque ad captiuitatem Troiæ, anni CCCXXIX. A captiuitate Troiæ usque ad primam Olympiadem, anni CCCCLX. A prima Olympiade usque ad secundum Darij annum, & instaurationem templi, anni CCLVI. A secundo Darij anno, & instauratione templi usque ad quindecimum annū Tiberij Cesaris, anni DXLVIII. Fiunt simul à Nino & Semiramide usque ad quindecimum Tiberij annum, anni TI CCCXXX. quos & ab Abraham usque ad Tiberium ostendimus supputatos. A Tiberij autem quindecimo anno, usque ad decimum quartum annum Valentis, quo interiit, numerantur anni CCCLI. Itaque fiunt anni istius historię, TI CCCXCV. Et ne longus ordo numerorum aliquid forte turbationis afferat, omnem annorum congeriem in decadas decidimus, quas ex singularium gentium historijs congregantes sibi inuicem fecimus esse contrarias, ut facilis præbeatur inuentio, cuius Græcitate, uel Barbari, Prophetæ, & Reges, & Sacerdotes fuerint Heræorum. Item qui diuersarum gentium falsò crediti Dij, qui Heroës, aut quando Vrbs condita, qui de illustribus uiris Philosophi, Poëtæ, Principes, scriptoresq; uariorum operum extiterint, & si qua alia digna memoria putauit antiquitas, quæ uniuersa in suis locis summa breuitate ponemus.